



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

vijj Taylerus ein Engelländischer Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

ihren Händen haben sie einen Bischofflichen
 Stab/ Es gebürt in aber vil mehr ein Säwstab/
 dann sie vil würdiger sein der Säw/ dann men-
 schen zu hüten/ Er hat gelebt zu der zeit Justini/
 und Justiniani der Römischen Keyser.

In diesem Orden ist auch gewesen Iohannes
 Trichemius Spanheimensis, welcher schrei-
 bet/ daß Benedictus im 542. Jar Christi ge-
 storben sey.

Nicht lang nach dem Huf verbrandt wor-
 den/ ist in Engellandt ein gräwliche verfol-
 gung/ der frommen Christen entstanden/ in wel-
 cher viel fürreffliche von hohen geschlech-
 ten/ Mann vnd Weib/ vmbbracht wurden/ vnder
 andern ist diser Wilhelmus Taylerus/ ein En-
 gelländer/ gewesen/ welcher nit allein wider die
 Päpffischen irthumb geredt/ sonder hat auch
 ein besonder Buch/ wider die anruffung der
 verstorbenen Heyligen geschrieben/ vnd mit
 zengnuß der heyligen Schriff angezeigt/ daß
 zwischen Gott vnd den Menschen/ kein ander
 Mittel vnd Fürsprecher sey/ dann allein Jesus
 Christus/ Derhalben ward er gefangen/ vnd
 nach vielen Plagen zu Londin öffentlich ver-
 brandt/ vnd in Christlicher beständigkeit/ selig-
 lich gestorben/ Im 1422. jar.

La
 B
 viij
 Tayle-
 rus.

Nach